



11. Juni 2020

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquutit:

- 1. Naalakkersuisooqatigiinnissamut isumaqatigiissut 29. Maj 2020 qulequttami isumannginnerup iluani allassimavoq "Piitsuussutsimik akiuiniarneq pillugu iliuuseqarnissamut pilersaarut suliarineqassaaq". Pingaartitat suut aallaavigalugit piitsuussutsimik akiuiniarneq periusissiorfigineqassava?**
- 2. Naalakkersuisooqatigiit "Piitsuussuseq Naligiinnginnerlu - Naligiinnginneq piitsuussuserlu kiisalu piitsuussutsimut killiliussassamik nunatsinni aalajangiussinissamut periarfissat pillugit nassuiaat" 2018-imeersoq sulinerminni toqqammavigissavaat?**
- 3. Naalakkersuisooqatigiit piitsuussutsimik akiuinerneq pillugu iliuuseqarnissamut pilersaarutertik qaqugu saqqummiutissavaat?**
- 4. Inuit Ataqatigiit UKA2018-imi siunnersuuteqarput "Naalakkersuisut kingusinnerpaamik UPA2019-imut Kalaallit Nunaanni pisortatigoortumik piitsuussutsimik killiliissummik aalajangersaanissaat pillugu Inatsisartut aalajangiiffigisassaattut siunnersuut." Naalakkersuisooqatigiilli allannguutissamik siunnersuuteqarput pitsuussutisip eqqumaffigineqarnissaannut Ukiumoortumik Aningaasaqarnikkut ingerlatsineq pillugu Nalunaarusiap suliarinerani piitsuussuseq sammineqartassasoq. Imaappa tamanna naammangineqarunnaarluni piitsuussutsimik akiuiniarnermut pilersaarusiornissaq maanna siunniunneqartoq?**
 - a. Taamaassimappat; Suna taamaaliornermut tunngaviua?**
 - b. Taamaangippat; Sooq 2018-imili suliaq aallartinneqarsimasinnaagaluartoq pisariaqanngitsumik kinguarsarneqarpa?**

- 5. Naalakkersuisooqatigiit piitsuussutsimik akiuniarneq pillugu iliuuseqarnissamut pilersaarummik suliaqarnerminni susassaqtut sorliit peqataatissamaarpat?**
- a. Apeqqutip akinissaanut massakut piffissaq siusigineqarpat sooq Naalakkersuisooqatigiit piitsuussutsimik akiuniarneq suliaassatut saarlerpaatut isiginngilaat?**
- 6. Naalakkersuisooqatigiit isumaqatigiisumminni angerlarsimaffeqanngitsut illoqatigiiaartillugit misileraaviginiarlugit anguniarpaat. Tamanna inuup qanoq naleqassutsimi isigineranut qanoq sunniuteqarumaarnermaq taamatullu aamma inuiaqataasutut akisussaaffimminillu kivitseqataajumasutut misigitilernissaanut qanoq siunniuteqarumaarnermaq Naalakkersuisooqatigiit qanoq takorluukkersaaruteqarfigaat?**

(Inatsisartunut Ilaasortaq Aqqa Samuelsen, Inuit Ataqtigiit)

Tunngavilersuut:

Inuit Ataqtigiit piitsuussutsip akiorneqarnera pingaartitatut isigaat akiorneqarnissaanullu suliniuteqarnerit tapersersugaralugit, taamaattumillu qinigaaffiup uuma aallartinnerani piitsuussutsimik aalajangiisoqassasoq siunnersuutigisimallugu.

Piitsuussuseq akiorniarlugu suliat naalakkersuinikkut sakkortusisamik suliarineqartariaqarput. Tamannalu tunngavigalugu Naalakkersuisooqatigiinnissamut isumaqatigiisummi siunertaasut ersarluttut paasisaqarfigineruniarlugit apeqquteqaateqarpugut.

Naalakkersuisooqatigiit angerlarsimaffeqannginnerup eqqartornerani kommunit iliuusissanut pilersaarutitut nalinginnaasumik tunngavissaqarnissaat siunertarlugu sulinerisa killiffissiornissaat anguniarparputtaaq.

Kissaatigaara apeqqutit ullut qulit qaangiutsinnagit akineqarnissaat.